

衆經目錄

才七

四百五十
卷十三

5-1188



衆經目錄卷第七

進

隋沙門 法經等 撰

大興善寺翻經衆沙門法經等敬白

皇帝大檀越去五月十日太常卿牛弘奉

勅須撰衆經目錄經等謹即修撰摠計衆經

合有二千二百五十七部五千三百一十卷

凡有七卷別錄六卷摠錄一卷繕寫始竟謹

用進呈經等又敬白仰惟無上法寶道洽無

窮像運中途緣被茲土昔方朔覩昆明下灰

今問西域取決劉向校書天閣錄載已見佛

經方知前漢之世正法久至非為後漢始流

此地矣但自道淡情華真偽玄隔人渺宗敬

雖有若亡又致明帝夢感金容親應者當是
聖道憑籍皇王大啓弘奉之端耳於是發使
西域專求

佛經緣此摩騰法蘭創出四十二章出世高支
識廣譯諸餘經部是後通道之士相尋而至
爰暨魏晉京洛之日雖有支謙康會驟宣於
金陵竺護蘭炬飛譯於雍洛然而信敬尚簡
奉行固微比逮東晉二秦之時經律粗備但
法假人弘賢明日廣於是道安法師創條諸
經目錄詮品譯材的明時代求遺索缺備成
錄體自介達今二百年間製經錄者十有數
家或以數求或用名取或憑時代或寄譯人

各紀一隅務存所見獨有揚州律師僧祐撰
三藏記錄頗近可觀然猶小大雷同三藏雜
糅抄集參正傳記亂經考始括終莫能該備
自外諸錄胡可勝言僧衆既未獲盡見三國
經本校驗異同今唯且據諸家目錄刪簡可
否摠擿綱紀位爲九錄區別品類有四十二
分九初六錄三十六分略示經律三藏大小
之殊粗顯傳譯是非真僞之別後之三錄集
傳記注前三分者並是西域聖賢所撰以非
三藏正經故爲別錄後之三分並是此方諸
德所修雖不類西域所製莫非毗贊正經發
明宗教光輝前緒開進後學故兼載焉又法

經等更復竊思諸家經錄多是前代賢哲修
撰敬度前賢靡不皆号一時稽古而所修撰
不至詳審者非彼諸賢才不足而學不周直
是所遇之日天下分崩九牧無主名州大郡
各号帝畿壇場艱關並為戰國經出所在悉
不相知學者遙聞終身莫覩故彼前哲雖有
才能若不逢時亦無所申述也當今經等識
學誠不及古而宿緣多幸運屬休辰四海為
家六合清泰殊方異俗宛若目前正朔所班
書軌無外又

皇帝大檀越雖復親綜萬機而軌道終日興
復三寶為法輪王永關四趣之門大啓天人

之路在域群生莫不蒙賴而況經等夫何復
論所恨識惠無長猥叅嘉運不能盡獲三國
經本及遺文逸法造次修撰多有舛昧進思
退省慙慨良深敬白

衆經摠錄

大乘修多羅藏錄第一六分

合七百八十四部一千七百一十八卷

衆經一譯分

合一百三十三部四百二十一卷

衆經異譯分

合一百九十五部五百三十二卷

衆經失譯分

合二百三十四部 二百七十五卷

衆經別生分

合二百二十一部 二百六十四卷

衆經疑惑分

合二十一部 三十卷

衆經偽妄分

合八十部 二百九十六卷

小乘修多羅藏錄第二 六分

合八百四十一部 一千三百四卷

衆經一譯分

合七十二部 二百九十二卷

衆經異譯分

合一百部

二百七十卷

衆經失譯分

合二百五十部

二百七十二卷

衆經別生分

合三百四十一部

三百四十六卷

衆經疑惑分

合二十九部

三十一卷

衆經偽妄分

合五十三部

九十三卷

大乘毗尼藏錄第三

六分

合五十部

八十二卷

衆律一譯分

合十二部

三十三卷

衆律異譯分

合七部

七卷

衆律失譯分

合十二部

十四卷

衆律別二分

合十六部

十六卷

衆律疑惑分

合一部

二卷

衆律偽妄分

合二部

十一卷

小乘毗尼藏錄第四

六分

合六十三部 三百八十一卷

衆律一譯分

合一十六部 一百九十九卷

衆律異譯分

合八部 一百二十六卷

衆律失譯分

合二十九部 四十四卷

衆律別生分

合六部 六卷

衆律疑惑分

合二部 三卷

衆律僞妄分

合三部

三卷

大乘阿毗曇藏錄第五 六分

合六十八部

二百八十一卷

衆論一譯分

合四十二部

二百六卷

衆論異譯分

合八部

五十二卷

衆論失譯分

合一部

二卷

衆論別生分

合一十五部

一十九卷

衆論疑惑分

合一部

一卷

衆論偽妄分

合一部

一卷

小乘阿毗曇藏錄第六 六分

合一百一十六部

四百八十二卷

衆論一譯分

合一十四部

二百七十六卷

衆論異譯分

合八部

六十六卷

衆論失譯分

合五部

二十二卷

衆論別生分

合八十六部 一百七卷

衆論疑惑分

合一部 一卷

衆論偽妄分

合二部 十卷

佛滅度後抄錄集第七二分

合一百四十四部 六百二十七卷

西域聖賢抄集分

合四十八部 一百一十九卷

此方諸德抄集分

合九十六部 五百八卷

佛滅度後傳記錄第八二分

合六十八部 一百八十五卷

西域聖賢傳記分

合一十三部 三十卷

此方諸德傳記分

合五十五部 一百五十五卷

佛滅度後著述錄第九二分

合一百一十九部 一百三十四卷

西域聖賢著述分

合一十五部 一十九卷

此方諸德著述分

合一百四部 一百一十五卷

右九錄合二千二百五十七部五千三

百一十卷

衆經摠錄卷第七

筵

繕寫

上時

暨

其器

驟

助瘦

詮

十全

雜

糝

下

救

反

反

擿

必

苗

壇

場

上音

薑

猥

烏

毒

反

反

